

EDICTO

Creación de áreas de goberno local (Decreto de alcaldía nº 2.585/2015, de 18 de Xuño)

Por Decreto de alcaldía nº 2.585/2015, de 18 de Xuño creáronse as áreas de goberno local, do que se deu coñecemento ó Pleno do Concello, na súa sesión extraordinaria do 23 de Xuño de 2015.

En conformidade cos artigos 13 da Lei 30/1992, do 26 de Novembro e 43,44 e 114 e seguintes do Real Decreto 2586/1986, do 28 de Novembro, faise público mediante este edicto o contido da resolución tomada:

“Primeiro.- Créanse as seguintes áreas de goberno local, que poderán ser obxecto dunha delegación de conformidade co disposto no ROF, e que comprenden os correspondentes sectores de actividade:

1. Área de Presidencia

Baixo a dirección da Alcaldía, correspóndelle a coordinación dos diferentes servizos municipais, o planeamento urbanístico, agás os actos concretos que se delegan, a política de comunicación e relacións institucionais, a xestión das políticas de calidade do Concello, a contratación administrativa de expedientes que superen os 60.000€ mailo IVE, así como todas aquelas materias non asignadas expresamente a outra área de goberno. Incorpora tamén esta área o control da xestión municipal e a xestión do catastro.

2. Área de economía e facenda

Ocúpase esta área, na materia de economía e facenda, da xestión económica do Concello, seguimento e control dos orzamentos, xestión económica e financeira da administración, seguimento e control de investimentos, preparación dos orzamentos, xestión de pagamentos e cobros, xestión tributaria e de recadación, política fiscal e preparación de ordenanzas fiscais.

3. Área de interior e seguridade cidadá

A esta área correspóndelle dentro do eido organizativo, os aspectos relativos á organización administrativa do Concello e ós métodos de traballo, a coordinación do funcionamento da Administración municipal, o padrón municipal e estatística.

A esta área correspóndelle tamén a xestión da seguridade cidadá, control e ordenación do tráfico en vías urbanas, protección civil e Policía Local, o exercicio das competencias municipais en materia de transporte e mobilidade, incluída as autorizacións de transporte de viaxeiros en autotaxis, a xestión dos cemiterios municipais, a utilización da vía pública para a realización de espectáculos públicos e actividades recreativas, limpeza de fincas e tenencia de animais potencialmente perigosos.

4. Área de urbanismo

Esta área comprende a xestión das competencias municipais sobre a ordenación do territorio e o urbanismo, tramitación de planes e instrumentos de ordenación urbanística, xestión urbanística, concesión de licenzas urbanísticas e de actividades, disciplina urbanística, redacción de instrumentos de ordenación urbanística, concesión de licenzas para o exercicio de actividades e exercicio en xeral, das competencias en materia de disciplina urbanística que as normas en vigor outorgan ós municipios, así como o medio ambiente.

5. Área de recursos humanos, cooperación e participación cidadá, comunicación e novas tecnoloxías

Correspóndelle a xestión do persoal do Concello, a axilización da tramitación de procedementos e a política de información ó cidadá, así como a xestión da participación destes na vida municipal, a cooperación ó desenvolvemento e solidariedade. Tamén a comunicación e o impulso e difusión do uso das tecnoloxías da información.

6. Área de obras públicas e medio ambiente, servizos e parques e xardíns

Correspóndelle a planificación das obras municipais, a preparación dos planes de obras e a aprobación de proxectos de obras, a xestión das expropiacións, agás cando se utilice o sistema de expropiación para a execución das determinacións do planeamento urbanístico, conforme cos artigos 140 e seguintes da Lei 9/2002, do 30 de decembro, a xestión dos vertidos e a xestión da utilización do subsolo da vía pública para a instalación de servizos.

Esta área xestiona os servizos básicos municipais, ciclo da auga, limpeza de vías públicas, alumeadado público. Inclúese o mantemento de vías públicas e infraestruturas urbanas (mobiliario urbano, redes de servizos,...), a inspección e control de servizos públicos que se prestan a través de terceiros, o mantemento e conservación de parques, xardíns e zonas verdes, así como o mantemento de edificios e instalacións municipais.

7.- Área de servizos sociais e sanidade

Esta área xestiona as políticas municipais de prestación de servizos asistenciais ós cidadáns, de atención ás situacións de marxinación e exclusión social, medidas de integración social, política de inmigración, muller e atención á terceira idade, políticas de igualdade efectiva, participación cidadá, así como os programas de voluntariado.

No campos de sanidade intégranse as políticas municipais de protección da salubridade pública en uso das competencias que atribúe ó municipio a normativa sectorial, control sanitario de establecementos, alimentos e bebidas. Tamén, a política municipal de vivenda con protección pública.

8.- Area de cultura, deportes, ensino, promoción económica, formación e emprego, xuventude e normalización lingüística.

Esta área comprende a xestión das competencias municipais relativas a todos os servizos de relacionados coa promoción e fomento da cultura, o arte, as bibliotecas, o deporte, a educación, a xuventude, a política lingüística, a formación profesional e a prospección e promoción de emprego; incluíndo tanto o deseño e execución das políticas municipais a seguir nestes eidos

como a elaboración da programación anual de actividades e servizos na que se plasmen ditas políticas, e a súa á execución material.

A promoción económica e o desenvolvemento local integran as políticas públicas tendentes á dinamización e potenciación da vida económica local, o deseño de plans estratéxicos de desenvolvemento económico, a planificación económica, a fixación de obxectivos para a promoción de actividades económicas no Concello, as relacións cos axentes sociais na procura de políticas integrais de desenvolvemento e o fomento de actividades económicas a través da cooperación pública en plans e en xeral aquelas políticas públicas que propugnen e incentiven o desenvolvemento de sectores produtivos e de actividades económicas para un desenvolvemento axeitado da vida económica do municipio. Intégrase nesta area a xestión de feiras (a do mel e as tradicionais) e tamén a xestión de mercados e a venda ambulante.

Tamén correspóndelle a xestión das políticas municipais en materia de turismo e no eido do ensino, a xestión das escolas municipais.

Terceiro.- Corresponderá á Alcaldía, a través da área de Presidencia e coa colaboración de 1ª e 2ª tenencias de alcalde, a coordinación do funcionamento das áreas municipais, así como a resolución dos conflitos positivos ou negativos que xurdan sobre a adscrición a unha área determinada dunha concreta materia.”

OLEIROS, 27 de xuño de 2011

O alcalde

Ángel García Seoane

